

Na osnovu člana 72. i 89. Zakona o javnim nabavkama u BiH, („Službeni glasnik BiH“ broj: 39/14), a nakon provedenog postupka konkurentskog zahtjeva za dostavu ponuda za nabavku goriva za potrebe KJU „Gerontološki centar“ Sarajevo, pravosnažne Odluke o dodjeli ugovora, br. 10-1648-7/16. od 18.01.2016. godine i Okvirnog sporazuma br: 10-1648-9/16 od 30.01.2017. godine., ugovorne strane:

1. **KANTONALNA JAVNA USTANOVA „GERONTOLOŠKI CENTAR“ SARAJEVO, ul. Aleja Bosne srebrene br.7., Sarajevo**, registrovan kod Kantonalnog suda u Sarajevu pod brojem UF/I-2260/97 od 15.08.1997.god. i Općinskog suda u Sarajevu Rješ. Br. 065-0-Reg-07-000174 od 25.06.2007.god., identifikacijski broj kod Porezne uprave FBiH Kantonalni ured Sarajevo 4200092250001, koga zastupa Direktor Ismet Skoko, mr.ecc. (u daljem tekstu: Ugovorni organ)

i

1. **„HIFA – PETROL“ DRUŠTVO ZA PROMET NAFTOM I NAFTNIM DERIVATIMA d.o.o. iz Sarajeva**, ul. Hotonj bb, registrovan kod Općinskog suda u Sarajevu pod brojem 065-0-RegZ-16-006516 od 21.09.2016. godine, (matični broj subjekta upisa 65-01-0723-08 (stari broj: 1-24991)), identifikacijski broj kod Porezne uprave FBiH Kantonalni ured Sarajevo 4200999090005, porezni broj: 02053669, identifikacijski broj obveznika PDV 200999090005, koga zastupa Direktor Hajrudin Ahmetlić (u daljem tekstu: Dobavljač)

dana 30.01.2017. godine, u Sarajevu, zaključuju:

## UGOVOR O NABAVCI GORIVA

### Član 1.

Dobavljač se obavezuje da će Ugovornog organa kontinuirano snadbijevati **gorivom**, u skladu sa potrebama iskazanim u Specifikaciji i zahtjevima iz Tenderske dokumentacije broj: 10-1648-1/16. od 14.11.2016. godine, te uvjetima preciziranim Ponudom Dobavljača broj: JN-4345/16 od 01.12.2016. godine, a sve u skladu sa potrebama Ugovornog organa.

### Član 2.

Ukupna maksimalna vrijednost ovog Ugovora bez PDV-a sa popustom iznosi **7.526,76 KM** odnosno sa uključenim PDV-om i sa popustom iznosi **8.806,31 KM**.

Maksimalna vrijednost ovog Ugovora bazirana je na maksimalnoj okvirnoj godišnjoj količini goriva, koja se planira nabaviti u ugovorenom periodu.

Ukupna količina i ukupna vrijednost ugovora za ugovoreni period se ne može precizno utvrditi i planirati i zavisi od nastalih potreba Ugovornog organa u toku ugovorenog perioda.

Ugovorni organ zadržava pravo potpune ili djelimične realizacije nabavke prema tenderskoj Specifikaciji i svojim potrebama.

### Član 3.

Dobavljač garantuje Ugovornom organu da će uvijek imati odgovarajuću količinu robe iz ponude spremnu za isporuku, da će istu isporučivati kontinuirano, prema nastalim potrebama Ugovornog organa, te da će se snadbijevanje Ugovornog organa obavljati prioritetno i nesmetano, u bilo kom trenutku neovisno od situacije na tržištu.

Dobavljač se obavezuje da prilikom svake isporuke, isporuči robu odgovarajućeg kvaliteta i odgovarajuće količine.

Ugovorni organ će u slučaju isporuke robe neodgovarajućeg kvaliteta, odnosno neodgovarajuće količine, zahtjevati isporuku odgovarajuće robe po kvalitetu ili količini.

### Član 4.

Zbog karaktera roba koje su predmet nabavke, ugovorne strane su saglasne da se u toku izvršenja ugovora jedinične cijene goriva mogu prilagođavati tržišnim uslovima, ukoliko iste pretrpe značajnije promjene na tržištu, pod uslovom da Dobavljač uz prethodno dostavljenu obavijest Ugovornom organu o promjeni cijene, dostavi dokaz o nastalim promjenama cijena na tržištu.

Promjena jediničnih cijena robe podrazumijeva povećanje i smanjenje cijene u odnosu na cijene precizirane Ponudom dobavljača.

Promijenjene okolnosti koje se odnose na nabavnu cijenu robe (povećanje ili smanjenje), ugovorni organ će priznati na osnovu prethodno dostavljenog obrasca o promjeni cijena (OPC), odobrenog i ovjerenog od strane Federalnog ministarstva trgovine ili drugog odgovarajućeg dokumenta odobrenog i ovjerenog od strane nadležnog organa Republike Srpske, iz kojeg je jasno vidljivo da je u momentu isporuke došlo do promjene cijene predmetne robe na tržištu.

U slučaju značajnijih promjena na tržištu, koje utiču na cijene goriva, što podrazumijeva više ili niže cijene u odnosu na cijene precizirane Ponudom dobavljača, ugovorne strane zadržavaju pravo da pismenom obaviješću otkazu ovaj Ugovor i Okvirni sporazum.

### Član 5.

Ugovorne strane su saglasne da se u periodu važenja ovog Ugovora količina i vrsta goriva precizirane u Specifikaciji Ugovornog organa i Ponudi Dobavljača, mogu mijenjati u skladu sa potrebama Ugovornog organa, o čemu bi se ugovorne strane prethodno usaglasile.

Promjena vrste i količine goriva se odnose na promjene potreba Ugovornog organa na koje se ne može uticati, i koje su različite u odnosu na vrstu i količinu preciziranu Specifikacijom Ugovornog organa i Ponudom dobavljača.

Prijedlog za promjenu količine i vrste goriva, osim u hitnim situacijama, Ugovorni organ je obavezan dostaviti Dobavljaču u pismenoj formi, radi postizanja saglasnosti o cijenama istih. Po dostavljenom prijedlogu Dobavljač je obavezan izjasniti se u roku od 2 dana.

Ne postizanje dogovora u vezi sa eventualnim promjenama vrste i količine robe iz okvira predmetne nabavke i cijenama istih, predstavlja osnov za raskid ovog Ugovora i Okvirnog sporazuma.

#### Član 6.

Ugovorne strane su saglasne da se isporuka goriva, osim nafte/lož-ulja, vrši na prodajnim mjestima Dobavljača – benzinskim pumpama na teritoriji Bosne i Hercegovine, da se u svim prodajnim objektima Dobavljača formira evidencioni karton Ugovornog organa, koji će sadržavati podatke o vozilima Ugovornog organa, zaposlenicima ovlaštenim za upravljanje vozilima, datumu i količini isporučene robe za svako vozilo odvojeno.

Ugovorni organ se obavezuje da uz ovaj Okvirni sporazum Dobavljaču dostavi obavijest o vozilima koja su u vlasništvu „Gerontološkog centra“ i imenima zaposlenika ovlaštenim za upravljanje vozilima.

Evidencioni karton iz stava 1. ovog člana vodit će se mjesečno i isti će se zaključivati na kraju svakog kalendarskog mjeseca i na osnovu istog Dobavljač će izvršiti obračun i Ugovornom organu ispostaviti fakturu za plaćanje.

Kopija Izjave o usklađenosti kvaliteta tečnih naftnih goriva i kopija evidencionog kartona obavezno se dostavljaju uz fakturu za plaćanje.

#### Član 7.

Ugovorne strane su saglasne da se isporuka nafte/lož-ulja, za potrebe kotlovnice Ugovornog organa, vrši vozilima Dobavljača – cisternama, na adresu Ugovornog organa, ulica Aleja Bosne srebrene broj 7., u Sarajevu i to najkasnije naredni dan po narudžbi Ugovornog organa.

Dobavljač se obavezuje da uz svaku isporuku nafte/lož-ulja dostavi ovjerenu kopiju Uvjerenja o registraciji skladišta ulja za loženje izdato od strane Uprave za indirektno oporezivanje, ne stariju od 3 mjeseca i ovjerenu kopiju Izjave o usklađenosti kvaliteta tečnih naftnih goriva.

#### Član 8.

Ukoliko Dobavljač zakasni sa izvršenjem ugovorenih obaveza, dužan je platiti Ugovornom organu, za svaki dan zakašnjenja u izvršenju ugovorenih obaveza, ugovornu kaznu u iznosu od 2% od vrijednosti konkretne nabavke sa kojom se zakasnilo.

Ugovorne strane su saglasne da je za slučaj neizvršenja ugovorenih obaveza Dobavljač dužan platiti Ugovornom organu ugovornu kaznu u iznosu od 5% od vrijednosti konkretne nabavke koja nije izvršena.

Ugovorni organ se obavezuje da Dobavljača odmah obavijesti o svakom neizvršenju ili kašnjenju u izvršenju ugovorenih obaveza, na osnovu koje je Dobavljač obavezan umanjiti iznos fakture za plaćanje u skladu stavom 1. i 2. ovog člana.

Pored prava iz stava 1. i stava 2. ovog člana, Ugovorni organ ima pravo naknade štete, ako je ista prouzrokovana ovim neizvršenjem ili zakašnjenjem.

Ugovorni organ zadržava pravo da u slučaju ponovljenog kašnjenja ili neizvršenja ugovorenih obaveza ovaj Ugovor i Okvirni sporazum raskine.

#### Član 9.

Ugovorne strane su saglasne da Dobavljač fakture za plaćanje ispostavlja do 30-og u mjesecu za svu robu isporučenu u toku mjeseca, a na osnovu evidencionog kartona i otpremnih dokumenata potpisanih od strane ovlaštenog zaposlenika Ugovornog organa i Dobavljača.

Ugovorni organ se obavezuje da će plaćanje vršiti zbirno mjesečno za svu robu isporučenu u toku jednog kalendarskog mjeseca, i to u roku od 60 (šezdeset) dana od dana prijema fakture, na transakcijski račun Dobavljača broj 3385502203296597 otvoren kod UniCredit banke.

Plaćanje robe po ovom Ugovoru vršit će se u konvertibilnim markama.

Za svako kašnjenje u plaćanju Ugovorni organ se obavezuje da Dobavljaču pored glavnice, bez bilo kakve daljnje opomene, plati zakonske kamate za kašnjenje, u visini stope zatezne kamate propisane zakonom.

Ukoliko Ugovorni organ zakasni sa plaćanjem, Dobavljač ima pravo, bez ikakve daljnje opomene, na posebnu naknadu u iznosu 100,00 KM.

#### Član 10.

Svi uslovi iz tenderske dokumentacije broj: 10-1648-1/16 od 14.11.2016. godine i ponude Dobavljača broj: JN-4345/16 od 01.12.2016. godine čine sastavni dio ovog Ugovora.

#### Član 11.

U svrhu izvršenja ovog Ugovora Dobavljač nema pravo zapošljavati lica koja su učestvovala u pripremi tenderske dokumentacije ili koja su učestvovala u svojstvu predsjednika ili člana komisije za javne nabavke, najmanje šest mjeseci po zaključenju istog.

#### Član 12.

Ovaj Ugovor se zaključuje na period od jedne godine i stupa na snagu danom potpisivanja obadvije ugovorne strane.

#### Član 13.

Ugovorne strane se obavezuju na pridržavanje zakonskih propisa, čuvanja poslovne tajnosti i pridržavanja poslovnih običaja.

#### Član 14.

Ugovorne strane mogu ovaj Ugovor raskinuti i prije njegovog isteka, ukoliko se neka od ugovornih strana ne bude pridržavala njegovih odredaba, uz prethodno izmirenje svih obaveza nastalih po osnovu ovog Ugovora.

Ugovorni organ zadržava pravo da u slučaju isporuke robe neodgovarajućeg kvaliteta ili neodgovarajuće količine, u slučaju pogrešno ispostavljene fakture ili netačnih podataka koje Dobavljač vodi u evidencionom kartonu, ovaj Ugovor raskine, uz prethodno pismeno upozorenje Dobavljaču na mogućnost raskida ugovora iz navedenih razloga.

#### Član 15.


Otkazni rok po ovom Ugovoru je 30 dana, od dana prijema pismenog obavještenja o otkazu Ugovora, a po isteku ovog roka, Ugovor se smatra raskinutim.

Član 16.

Sve eventualne sporove koji nastanu u toku realizacije ovog Ugovora, ugovorne strane će nastojati riješiti sporazumno, a ukoliko to ne bude moguće, za rješavanje sporova nadležan je Sud u Sarajevu.

Član 17.

Ovaj Ugovor je sačinjen u 4 (četiri) istovjetna primjerka, od kojih svaka strana zadržava po 2 (dva) primjerka.



DOBAVLJAČ:

Broj: 280/14.

Sarajevo, 03.02.2014.



UGOVORNI ORGAN:

Broj: 10-1648-9-1/16.

Sarajevo, 30.01.2017. godine

*Fehim Čudely*